

Naqqiut

Siunnersuut 9. marts 2026-meersoq taarserpaa.

(Makku naqqiutigineqarput: Naalackersuisup taagutaa, tapiliussat allattorsimaffiat, tusarniaanermullu tunngasut)

Inatsisartut suleriaasianni §33 naapertorlugu aalajangiiffigisassatut siunnersuut Naalackersuisut matumuuna saqqummiuppaat:

Kalaallit Nunaanni Naalackersuisunit taparserneqarnissaa pillugu Inatsisartut aalajangiiffigisassaattut siunnersuut: Nunani allamiut pillugit inatsisip allannguutaa pillugu inatsisip assigiinngitsut ilaannik Kalaallit Nunaannut atuutilersitsineq pillugu peqqussummut siunnersuut (Kalaallit Nunaanni najugaqarsinnaanermut suliat suliarineqarnerinut akiliut pillugu malittarisassanik atulersitsineq, sivisunerusumik najugaqarsinnaanermut visumimik atuutilersitsineq, Schengeninformationssystem (SIS)-mik atuneq, killeqarfinnik avasinnerusunik il.il. nakkutilliinerup sunniuteqarluarnissaanik pitsanngorsaaneq siunertaralugu Schengenimut malittarisassanik naammassisaqarneq siunertaralugit, nunamut isertitsinnaatitaannginneq pillugu aalajangiinnermut aamma nunamiit aallarnissamut piffissaliussat pillugit malittarisassanik allanngiineq)
(Isumaginninnermut, Suliffeqarnermut, Ilaqutariinnut Nunamullu Namminermut Naalackersuisoq)

Tunngavilersuineq

Qallunaat nunami allamiut pillugit inatsisaat Nunami allamiut pillugit inatsip peqqussutitigut nr. 150, 23. februar 2001-imeersutigut Kalaallit Nunaanni pissutsit tunngavigalugit allannguutitalik Kalaallit Nunaannut atuutilersinneqarnikuvoq. Nunani allamiut pillugit Kalaallit Nunaannut inatsip peqqussutikkut nr. 759 12. juni 2023-meersukkut allanngortinneqarpoq, Danmarkip Schengenimi isumaqatigiisummut ilaalerneranut Kalaallit Nunaannut inatsisip assigiinngitsut ilaatigut atortuulersinneqarput. EU-mi peqqussutit Schengenimi suleqatigiinnermut killeqarfimmilu nakkutilliinnermut pingaarutillit arlallit ukiuni kingullerni akuerineqarnikuupput, tassunga ilanngullugit SIS-imi peqqussutit pingasut, EES-imi peqqussut aamma ETIAS-peqqussut.

Kalaallit Nunaani nunani allamiunut inatsimmut siunnersuutip uuma aaqqiinnermut assigiinngitsunut aamma EU-mi peqqussutinut Schengenimi suleqatigiinnermut annertuumik isumaqarsinnaasut kiisalu killeqarfinnik nakkutilliinnermut annertunerusumik atuutilernissaannut periarfissiisaaq. Nunani allamiut pillugit immikkoortortami aamma Naalagaaffeqatigiinnermi peqqussut aqutugalugu malittarisassat assigiissarneqassapput, naatsorsutigineqarlunilu nunani allamiut pillugit immikkoortortami aamma Naalagaaffeqatigiinnermi assigiiarnerusumik pitsaanerusumillu ingerlatsinissaaq.

Peqqussut Kalaallit Nunaani nunani allamiunut inatsimmi Schengenimi suleqatigiinnermut killeqarfinnilu nakkutilliinnermut atatillugu allannguutinik katersuivoq, matumani ilanngullugit nunamut isersinnaanermik inerteqquteqarneq, allamut aallaqqinnissamut piffissaliineq, tikittunik aallartunillu nalunaarsuissummik atuuleriartorneq, inatsisilerinikkut aaqqiissutit, sivisuumik najugaqarsinnaanermut akuersissummik tunniussineq, atorfinitsinneqarneq

suliffimmi inerteqqutaanngitsumik aaqqiagiinngitsoqarneranut atassutilimmik najugaqarsinnaanermut akuerineqarnissamut qinnuteqarnissamut piumasaqaatit, kiisalu najugaqarsinnaanermut akuerineqarnissamut qinnuteqarnissamut akitsuutininik aningaasalersuineq.

1. EU-mi inatsisinik naammassinninnerup kingunerisaanik nunami allamiut pillugit inatsimmi malittarisassanik atuutilersitsineq

1,1

Nunani allani innuttaassusilinnik, unioqqutitsillutik nunamiittunik angerlartitsinermut nunani ilaasortaasuni ataatsimoorussanik najoqqutassat periutsillu pillugit Europa-Parlamentip Siunnersuisoqatigiillu malitassiaat 2008/115/EF 16. december 2008-meersup (Nunamit anisitsinermut malitassaq), angerlartitsinissamik aalajangiinerni nunamut isersinnaanermik inerteqquteqarnermut malittarisassat naapertorlugit, nunami allamiut malitassiami pineqartut nunamit anisinneqarnissaannut aalajangiinerni tamani angerlarfissatut piffissaliussaq aalajangersarneqassaaq, nunamullu isersinnaanermik inerteqquteqartoqassappat, nunat ilaasortaasut tamarmik nunaannut isersinnaaneq najugaqarsinnaanerlu inerteqqutigineqassapput. Nunamut isernissamut inerteqquteqarneq nunamillu aninissamut piffissaliinerit isummernikkut Kalaallit Nunaanni allamiunut aalajangersarneqartut, Nunamit anisitsinermut malitassani pineqartut, Danmarkimi ingerlanneqartartut, maanna SIS-imi nalunaarutigineqarsinnaanngillat, nunamut isernissamut inerteqquteqarneq Kalaallit Nunaannut taamaallaat tunngassuteqarmat , kiisalu Kalaallit Nunaannut aalajangiinerit tamarmik nunamit aninissamut piffissalerneqarlutik suussuseqartuunngimmata.

Nunamit anisitsinermut malitassami sumiiffimmi tassani malittarisassanik atuutilersitsinermi Kalaallit Nunaannut nunami allamiut inatsisaanni §§ 32 aamma 33 allanngortinneqassapput, naalagaaffeqatigiinnermilu nunamut isersinnaanermik inerteqqummik aallarnissamullu piffissaliussanik aalajangersaasarnermut malittarisassanik matumuuna assigiissaarisooqassallunittaaq. Tamannattaaq nunamut isersinnaanermik inerteqquteqarnerit aamma Kalaallit Nunaannut tunngatillugu aalajangiinernut atatillugu anisitsinissamik aalajangiinerit, peqqussutit matumunnga tunngasut naapertorlugit Schengenimi paasissutissanik aqutsissummut (SIS) nalunaarutigineqarsinnaanissaanut, tak. nunami allamiut inatsisaanni § 58 g, peqqussut nr. 759, 12. juni 2023 aqutugalugu Kalaallit Nunaannut atuutilersinneqartoq, aamma Danmarkip Kalaallit Nunaata avammut killeqarfiini, piviusumik Danmarkip Schengenimi killeqarfigisaani nakkutiginninnissamik nakkutilliinissamillu qulakkeerinnittussaataitaneranut tunngavissiissaaq. Matumunnga atatillugu §§ 50 aamma 50 a-p oqariartuutaa § 32-mut atatillugu nunamut isersinnaanermik inerteqquteqarnerup naalisarneranut tunngasoq nutarterneqarpoq. Danmarkip nunami allamiunut inatsisaani §§ 33 a aamma 33-p atuutilersinneratigut najugaqarsinnaanermut akuersissummut Kalaallillu Nunaannut aalajangiinernik qaqitseqqinnissamut qinnuteqaatit arlallit suliarineranni najugaqarsinnaanermut nalunaaruteqarsinnaaneq attatiinnarneqarpoq. Taassuma saniatigut aalajangiinernut aalajangersimasunut naammagittaalluteqarnikkut sivitsuinissamullu qinnuteqarnikkut atorunnaartitsigallarneq periarfissaalersinneqarpoq.

1,2

Siunnersuummi nunani allani innuttaasunut najugaqarsinnaanermut akuersissutinik assigiissumik suliaqartarnissamut EU-mi peqqussummik Kalaallit Nunaannut atuutilersitsinermik ilaatigut najugaqarsinnaanermik akuersissutinik issuaanissamik peqquserlullunilu allanngortitsinissamik pinaveersaartitsinissaq inerteqqutaasumillu nunasisarnernik pinaveersaartitseqataanissaq akiueqataanissarlu siunertaapput.

Schengenip avammut killeqarfiini nakkutilliinerup pitsaanerulersinnissaa, inerteqqutaasumik nunasisarnernik pinaveersaartitseqataanissaq akiuiniaqataanissarlu aamma Schengeneqarfinni isumannaallisaanernik qaffasisuutitseqataanissaq systemit suleqatigiissinnaanissaannut EU-mi peqqussutip Kalaallit Nunaannut atuutilersinneqarnissaanut siunnersuummi siunertaapput.

1,3

Siunnersuummi tikittunik aallartunillu nalunaarsuissummik Kalaallit Nunaanni atuutilersitsiartuaarnissamut EES-imi peqqussummik 18. juli 2025-mi akuerineqartumik atuutilersitsinissaq, Danmarkimi atuutilersitsinerup annerusumik assigaa.

1,4

Siunnersuut peqqussutinut SIS, EES aamma ETIAS-imut tunngasunik inatsisilerinikkut naqqiissutinik kiisalu tamanna pillugu Siunnersuisoqatigiinnit aalajangiussanut atatillugu nunat Schengenimi ilaasortaasunik nutarterinernik, kiisalu siornatigut Kalaallit Nunaannut atuussimasup § 4, imm. 3-p atuutilersinneqaleqqinneranik peqqussutillu nr. 759, 12. juni 2023-imeersup allassimanageratigut kissaatiginngisamik atorunnaarsimasumik imaqarpoq. Taassuma saniatigut tikittunik aallartunillu nalunaarsuissummik atugassanik inuup timaaniittut pillugit paasissutissanik nunami allamiut tunniussinissaannik tunngavissaq ilanngunneqarpoq, matumani ilanngullugu angalasanut nakkutilliinermut tunngasut.

2. Sivisuumik najugaqartussanut visummimik akuersisarnermut malittarisassanik atuutilersitsineq (sivisuumik najugaqarsinnaanermut visummi)

Danskit nunami allamiut inatsisaanni § 4 a, imm. 2-mik atuutilersitsinerup kingunerisaanik nunami allamiut inatsisaata Kalaallit Nunaannut atortuulersinneranut peqqussummi, Kalaallit Nunaanni najugaqarsinnaanermut akuersissut aalajangersimasumik piunasaqaatitalerlugu nalunaarutigineqarsimappat ukioq ataatsip tungaanut Kalaallit Nunaanni najugaqarsinnaanermut visummimik nunami allamiunut akuersissuteqarsinnaanermut tunngavik erseqqissumik allassimavoq. Nunami Allamiunut Aqutsisoqarfik aamma SIRI suliarinninnermut atatillugu sulii piginnaatinneqartuupput.

3. Kalaallit Nunaanni najugaqarsinnaanermut akuersissutinik qinnuteqaatinik suliaqarneq akiliuteqartarnikkut akilersorneqartoq.

Akiliuteqartarnikkut aningaasalersuinnermut akiliisarneq pillugu Danskit nunami allamiunut inatsisaanni § 9 h-p atuutilersinnerata kingunerisaanik qinnuteqartut aalajangersimasut najugaqarsinnaanermut akuersissummik qinnuteqarnerminni aalajangiinerit pillugit naammagittaalliuuteqarnerminni qinnuteqaatilluunniit aallarteqqinneqarnissaanut qinnuteqarnerminni akiliuteqartinneqartalissapput.

Maleruagassat atuutilersinneqassappata peqqussummik allannguinnermut atatillugu Naalakkersuisumik isumaqatiginninniareernikkut allamiunut akuulersitsinermullu ministeri tamanna pillugu nalunaarummik atuuttunngortitsissaaq.

4. Nunami allamiut pillugit inatsimmi malittarisassanik atorfik pissutigalugu najugaqarsinnaanermut akuersissummik itigartitsinermut tunngasunik atuutilersitsineq, atorfinitsinneqarneq suliffimmi inerteqqutaanngitsumik aaqqiagiinngitsoqarneranut atappat.

Danskit nunami allamiut pillugit inatsisaanni § 9 a, imm. 9-mik, Kalaallit Nunaanni pissutsit tunngavigalugit allannguutitalerlugu atuutilersitsinerup kingunerisaanik siunissami Kalaallit Nunaanni atorfik pissutigalugu najugaqarsinnaanermut akuersissummik qinnuteqaat itigartinneqartalissaaq, atorfeqarfik inerteqqutaanngitsumik aaqqiagiinngittoqarneranut atappat. Atorfimmi aaqqiagiinnginneq isumaqatigiissutinut naapertuutinngitsoq

allatigulluunniit inatsisinik unioqqutitsinerusq itigartitsinerup kingorna paasineqarpat qinnuteqaammik suliap aallarteqqinnissaa piumasarineqarsinnaavoq. Sivitsuinnissamik qinnuteqaat aaqqiagiinnginnerup naammassinissaata tungaanut isumaqatigiissutinulluunniit naapertuutinngitsoq allatigulluunniit inatsisinik unioqqutitsinerusq paasineqarpat unitsikkallarnejarsinnaavoq. § 9 a, imm. 9-mut atatillugu danskit nunami allamiut pillugit inatsisaanni § 44 h, Kalaallit Nunaanni pissutsit tunngavigalugit allannguutitalik atuutilersinneqarpat, SIRI, atorfik nunami allamiup isumaqatigiissuteqarfigisimasaa neqeroorutisiasimasaaaluunniit, najugaqarsinnaanermut akuersissuteqarnissamut aporfiliisumik atorfimmi inerteqqutaanngitsumik aaqqiagiinnginnermut atanersoq pillugu isummernissamut periarfissaqalissaaq. Tamanna sulisartut kattuffiinit SIRI-mut nalunaarutigineqartut tunngavigalugit pissaaq, § 44 h takuuk.

Pisortanut aningaasaqarnikkut allaffissornikkullu sunniutissat

Siunnersuut Namminersorlutik Oqartussanut aningaasaqarnikkut allaffissornikkulluunniit kinguneqarnissaa naatsorsuutigineqanngilaq, avammut killeqarfinni killeqarfinnik nakkutilliinermut, systeminut atasunut kiisalu najugaqarsinnaanermut akuersissutinik suliarinnittarnermut il.il. danskit oqartussaasui suli akisussaasuummata.

Siunnersuutip atuutilerneranut atatillugu Kalaallit Nunaanni Politiinut aningaasaqarnikkut allaffissornikkulluunniit kingunerusinnaasut Inatsisinik atuutsitsinermut ministereqarfimmut tussapput, Kalaallit Nunaanni Politiit naalagaaffimmi oqartussaasuummata.

Namminersorlutik inuussutissarsiortunut aningaasaqarnikkut allaffissornikkullu kingunissai

Siunnersuutip namminersorlutik inuussutissarsiortunut aningaasaqarnikkut allaffissornikkulluunniit kinguneqarnissaa naatsorsuutigineqanngilaq.

Danmarkip nunani allamiunut inatsisaanni § 9, imm. 9, Kalaallit Nunaanni pissutsinut naapertuuttunik allannguinerit ilanngullugit, atuutilersinneqassappat, qinnuteqartup isumaqatigiissutigisimasaa neqeroorutisiasimasaaaluunniit inerteqqutaanngitsumik aaqqiagiinngittoqarneranut atappat, najugaqarnissamut qinnuteqaat itigartillugu nalunaartoqassaaq. Manna aalajangersagaq taamaallaat atuutissaaq inerteqqutaanngitsumik aaqqiagiinngittoqarneranut maanna atuuttunut, taannalu imminermi inuussutissarsiortuni namminersortuni aningaasaqarnikkut allaffissornikkulluunniit kinguneqassanganneqanngilaq.

Innuttaasunut aningaasaqarnikkut allaffissornikkullu kingunissai

Siunnersuut Kalaallit Nunaanni innuttaasunut inunnullu killeqanngitsumik najugaqarsinnaanissamut akuerisanut aningaasaqarnikkut allaffissornikkulluunniit kinguneqassanganneqanngilaq.

Danmarkip nunami allamiunut inatsisaanni § 9 h-p atuutilersinneratigut tunngavilerneqarpoq nunami allamiut pisut arlallit, siunnersuummi imm. 9-mi nassuiarneqartut, aallaavigalugit najugaqarnissamut qinnuteqarneranni akiliuteqartinnissaannut nalunaarutitigut maleruagassiortoqarsinnaasoq. Akiliutissap annertussusissaani aningaasartuutit tunngavigineqarput aammalu Namminersorlutik Oqartussanik isumaqatiginninniarnepup kingorna Nunanut Allamiunut Peqataalersitsinermullu Ministereqarfimmit aalajangersarneqassalluni.

Tusarniaaneq

Siunnersuut tassungalu ilanngussat Kalaallit Nunaanni namminermit tusarniutigineqarsimapput, oqaaseqaatillu attuumassutillit ilanngunneqarput.

Siunnersuut 9. december 2025-miit 6. januar 2026-mut www.naalackersuisut.gl-imi tusarniaanermut nittartakkami tamanut saqqummiunneqarsimavoq piffissamilu tassani tusarniaaffigisassanut nassiunneqarsimalluni. Sulisitsisunit aamma Sulinermik Inuussutissarsiuteqartut Kattuffiannit tusarniaanermut akissuteqaatit tiguneqarsimapput taakkuli tamarmik oqaaseqaatissaqarsimanngillat.

Ilanngussat

1. Eqikkaaneq
2. Nunanit allamiut pillugit inatsisit assigiinngitsut allannguutaasa ilaannik Kalaallit Nunaannut atuutilersitsineq pillugu peqqussut
3. Peqqussut 2019-818 (danskisut)
4. Peqqussut 2019-817 (danskisut)
5. Peqqussut 2025-1534